



URANIES NORICÆ BASIS ASTRONOMICO- GEOGRAPHICA.



Geographiam compari studio non ab omnibus tractari videmus: Sunt enim, qui tirones eo usque introducunt, ut globum hunc terraqueum, quatenus iste nobis innotuit, & partes ejus ita describunt, ut, in quas hæ subdividantur regiones, Imperia etiam & Regna, quibus pareant istæ, eorundemque origines enumerare, & quousque gentes variæ confinium suorum terminos vel olim extenderint, vel fatorum vicissitudinibus huc illuc actæ, quas tandem obtinere sedes, sibi fixerint, recensere nörint; sicque nominationibus antiquis, earumque cum hodiernis habitâ collatione & interpretatione variâ, situque locorum & tractuum, vicinis montibus, fluviis, maribus aliisque limitibus circumseptorum eorundemque amplitudine qualitercunque indigitatis, contentos, quantum, pro cognitione historiarum, Theologiæ, Politicæ, Physicæ aliisque scientiis inservientium, sufficiat, addidicisse existimant.

Istam Geographiæ exercitationem *Historicam* haud incongruè dixeris, *Mathematicam* autem, quæ non in transitu, velut illa, sed ad rem penitiùs intenta, adjutrice Astronomiâ, *molem terraqueam in universum*, quatenus ea quanta est ac mensurabilis, tum secundum se, tum quoad proprietates, quas ex positione ad cælum relata nanciscitur, considerat & docet accuratiùs, cum Ptolemæo etiam antiquissimo illo Cosmographo Tellurem cognitam picturâ imitari conatur & contemplatione sublimiore eâq; pulcherrimâ, loca ejus singula, sub quibus spheræ cœlestis parallelis sita sint, dierum etiam & noctium magnitudines, quæque sydera singulis verticalia fiant, quæve super Terram aut sub Terra semper ferantur, & cætera omnia quæ de habitationis nostræ ratione percipi queunt & differi, rationibus ostendit mathematicis.

A

Geogra-

*Geographia
Historica,
Mathematica.
J.B. Ricciol.
præf. in
Geogr. re-
form.
Cl. Ptolem.
Geograph.
lib. I. cap. I.*